

以诗会友 | 上期征稿选登 | 题：人鸥情深

## 咏红嘴鸥

陈明

远避严寒冷雪围，纷纷振翼竞相归。  
行程万里穿云霭，翩影千般映日晖。  
秋暮风和天色暖，冬初水碧泽鱼肥。  
缘牵胜境春城醉，禽悦人欢伴梦依。

## 忆鸥

马昆华

阮唐堤畔每相期，不语还应彼此知。  
出谷莺来风款款，还巢燕至雨丝丝。  
缟仙临梦浑无意，素使离尘若有思。  
自是天南佳物候，花深水暖最相宜。

## 鸥

郑涛

搏浪穿云复萍踪，迟徊骤逸缀晴空。  
巡天遥看争席客，何用亲鸥劳渡翁。

## 瑞鹤仙·咏鸥

赵佳聪

素衣翩翩女，越关山万里，春城旋舞。照妆最媚妩。看红喙翦尾，惊鸿也妒。低翔高翥，似牵动、情肠缕缕。自古来、几度鸥盟。乍见却还如故。

娇语。论三冬节，日丽风煦，柳青波绿，境佳如许。几曾见、神仙处？忆汪洋汹涌，掀天雪浪，回首重重迷雾。唤朋俦、振翼飞来，燕莺与侣。

佳作欣赏

## 古琴台

任恩杨

密云浓雾锁沙洲，秀木森森禽鸟啾。  
流水高山花径雅，松风竹影小园幽。  
莫言俞子知音少，应许东坡诗友多。  
汉赋唐文千古在，琴台依旧枕江流。

## 游巍宝山

李嫦莉

群山环翠久闻名，门巷古楼入笛声。  
青瓦粉墙霞景照，龙池鹤洞柳烟横。  
才怜道观梅腮褪，又向诗家雀舌烹。  
千尺难量君厚意，一杯别酒见真情。